

اوپن سوہنا



محمد عثمان سہالک مہروی

اوپن سوہنا

محمد عثمان سالک مہروی

بزم غلامانِ مصطفیٰ ﷺ جیاموسی شہادرہ لاہور

سارے حق راکھویں



پہلی وار مارچ 2006ء

سرورق اسجد اقبال فون 03004686466

بزم غلامانِ مصطفیٰ ﷺ

جیاموسی شاہدرہ لاہور

خادم پرنٹنگ پریس لاہور وچ چھپی

AOCHAN SOHNA

A collection of Naut

by Muhammad Usman Salk

price Rs.125.00

BAZM-E-GHULAMAN-E-MUSTFA

Jeya Musa Shahdara Lahore(Pakistan)

Ph.042-7920929 Cell.0300-4988665

ناں

اوس پاک ذات دے

جیہڑا

اوچن سوہنا اے

اوچن رسول اے

اوچن نبی اے

اوچن حبیب اے

اوچن ہادی اے

اوچن دردی اے

اوچن غمگسار اے

ہر پاسیوں اوچن اے

یعنی

سرکارِ دو عالم شہنشاہِ مدینہؐ لہجہ پالِ بیکساں



شیشہ

27	میلاو	پنجابی نعتیہ ادب وچ اک نگہ وادھا
30	میلاو	اوچن سوہنا (ارشداقبال ارشد) 6
32	میلاو	اک سفنا (سالک مہروی) 9
34	میلاو	12 حمد
36	سب توں اچی ذات سوہنے دی	13 حمد
38	سد لے آقا فیر مدینے	14 سلام
40	کیہ کیہ رونا میں نہیں رویا	16 سلام
42	قطعہ	17 سلام
43	کعبے دی عظمت محمدی خوبی	19 سلام
45	سوہنے دے ورتارے سوہنے	21 کرم دا اک جے ہو جائے
47	جے سد لوں تے آواں میں دی	22 میں رور وداستاں تینوں
48	جدوی لیناں تیراناں	23 کوئی دکھیا جو در تیرے تے
50	تینوں ترسن میرے نین	24 میری اک بے بسی دا
51	گلشن ہے مدینہ تے ہے گلزار مدینہ	25 جہاں نوں آپ نے سدیا

- 53 دنیا وچ رتبیوں اچا
55 سوہنیا اجل تیرے درتے
57 ہے شان تیری لولاک الما
میں مدنی سرکار نوں سوہنا
59 کیوں نہ آکھاں
61 سوہنا نام محمد ﷺ
62 سوہنے سوہنے جگ تے آئے
64 آیا سوہنا نبی دو جہان دی خوشی
65 کیوں نہ شکر گزار میں ہوواں
67 سبھ دا چارہ کار مدینے
69 دے سوہنا دیدار مدینے والٹریا
71 آگیا جہدیاں اڈیکاں
73 جے کر فیرو مدینے جاواں
75 ہوائے مدینے چوں آویں جاویں تے
77 توں سوہنا سبھ توں سوہنا
79 ہمدے پھل گلاب دا چہرہ
81 مکھ نبی دا ڈلھکاں مارے
- 83 تیرے ورگا کوئی نہیں آیا
85 سوہنیا یا دستائیاں میں وی
87 بارگاہ میراں
89 بری
91 بارگاہ مہر جہاں
93 منقبت
- ## کافیاں
- 96 واہ واموج فقیراں دی
98 میرا ماہی میرا ڈھول
100 میرا سوہنا مہرن یاروے
102 آپے داتا آپ سوالی
حرص دا کیڑا ماریں گا
105 تے گل بنے گی
108 تیرے سامنے میرا حال
111 توں مٹھڑا منٹھاروے ڈھولا

پنجابی نعتیہ ادب وچ اک نگہ وادھا ---- اوچن سوہنا

نعت سرکارِ انبیاء حضرت محمد مصطفیٰ ﷺ دی صفت وثناء اے تے ایس دا
 مڈھ خود خالق کائنات دے ہتھوں بجھا۔ چوداں صدیاں بیت گئیاں۔ شاعر سرکارِ انبیاء ﷺ دیاں
 صفتاں لکھ رہے نیں تے اپنیاں جھولیاں ربی رحمت دے خزانے نال بھر رہے نیں۔ رب کائنات
 دی سنت ادا کرن والے خوش نصیباں دے قافلے وچ عثمان سالک مہروی وی آن رلے نیں۔
 اوہناں دی نعتیہ شاعری دا پہلا پراگہ ”اوچن سوہنا“ تھاڈے ہتھاں وچ اے۔ ”اوچن“ خالص
 شکر گڑھی اکھراے۔ ایہ Superlative degree لئی ورتیا جاندا اے۔ ”اوچن سوہنا“
 دا مطلب اے۔ پوری کائنات وچ سبھ توں سوہنا تے سرکارِ انبیاء احمد مجتبیٰ حضرت محمد ﷺ توں ودھ
 سوہنا ہو رالیں کائنات وچ کوئی دوجا ہوا ہی نہیں سکدا تے ایس نعت پراگے لئی وی ایس توں سوہنا
 ناں کوئی نہیں سی ہو سکدا۔ ایہ ناں مینوں ایس لئی وی چیا اے کہ عثمان سالک ہوراں اپنیاں نعتاں
 وچ تھاں تھاں تے حضور ﷺ نوں سوہنا تے سوہنے آکھ کے ربی سُدھ دی پیروی کیتی اے۔
 نمونے وجوں کجھ شعر ویکھو۔

اُمّت لئی نہ رویا ہووے
 ایسی کوئی نہیں رات سوہنے دی
 میں مدنی سرکارِ نوں سوہنا کیوں نہ آکھاں
 سوہنے رب دے یار نوں سوہنا کیوں نہ آکھاں
 ایڈا سوہنا جس دی کوئی مثال نہیں
 ایہو جھپے شہکارِ نوں سوہنا کیوں نہ آکھاں

عثمان سالک جی دیاں نعتاں وچ جدید نعتیہ شاعری دے سارے رنگ اپنی بہار دکھا
 رہے نیں۔ اوہناں کول مدینے جان دی حسرت وی اے تے سرکارِ دے روضے نوں دیکھن دی
 تڑپ وی۔ اوہ سوہنے کملی والے ﷺ توں قربان وی ہوندے دسدے نیں تے آپ دیاں صفتاں
 دی کردے نیں۔ اوہناں حضور ﷺ دی سیرت نوں وی اپنیاں نعتاں دا موضوع بنایا اے تے

آپ دی حیاتی دے اہم واقعات نوں وی شعراں داروپ دتا اے۔ عثمان سالک ہوراں اجو کے انسان دے دکھاں نوں وی اپنیاں نعتاں وچ پیش کر کے سرکار مدینہ ﷺ توں مدد منگی اے تے قرآن پاک دیاں آیتاں دے ترجمے کر کے وی حضور دے مقام تے مرتبے نوں وڈیا یا اے۔

پنجابی نعتیہ شاعری دا ساریاں توں کھلارواں موضوع مدینے جان دی سک اے۔ ہر مسلمان دے دل وچ ایہ خواہش ہوندی اے کہ اوہ سرکار مدینہ دے روضے دی زیارت کرے۔ ہر شاعر سرکار انبیاء ﷺ اگے ایہوای فریاداں کردا تے ایہوای عرضاں کردا اے کہ اللہ سوہنا اوں نوں اپنا تے اپنے سوہنے محبوب دا گھربار دکھاوے۔ ایس موضوع تے انتاں دا نعتیہ ادب تخلیق ہون دا محرک اچیاں نعتاں دا عوامی پن وی اے۔ مدینے جان دی حسرت نال پرچی نعتاں لوکاں وچ ذوق و شوق نال سنیاں تے پڑھیاں جاندیاں نیں۔ ایس لئی جدوں شاعر دی دلی تمنا تے لوکاں دی منگ رلی تاں ایس موضوع تے انتاں دا نعتیہ ادب تخلیق ہويا۔ شاعر بھاویں عوامی لہجے دا ہووے تے بھاویں فنی پابندیاں نوں فوقیت دین والا۔ اوہنے مدینے جان دی سک نال پرچیاں نعتاں ضرور لکھیاں نیں۔ عثمان سالک مہروی ہوراں کول وی اچھے شعراں دا گھاٹا نہیں جہاں وچ اوہ سوہنے محبوب دے دوارے جان دی گل کردے نیں یاں مدینے دیاں فضیلتاں تے برکتاں دا ذکر کردے نیں۔ کجھ شعرویکھو

کرم دا اک جے ہو جائے اشارا یا رسول اللہ
کراں میں وی تے روضے دا نظارا یا رسول اللہ
کدوں دی تاہنگ دل میرے وچ دیکھاں پیاریاں گلیاں
نالے دیکھاں میں تیرا شہر پیارا یا رسول اللہ
جے مل جاوے مینوں وی اذن تیرے کول آون دا
لٹا دیواں میں گھر سارے دا سارا یا رسول اللہ

اجو کے نعت گو شعراں نے پرانی نعتیہ شاعری توں جیہڑی وکھری راہ کڈھی اے۔ اوہ نعت راہیں سرکار مدینہ حضرت محمد ﷺ دی سیرت دا بیان اے۔ حضرت عثمان سالک ہوراں کول ایہ رنگ کثرت نال ملدا اے۔ اوہناں اپنے بہت سارے نعتیہ شعراں وچ حضور ﷺ دی سیرت دے اہم واقعات منظوم کیچے نیں۔ کدھرے اوہ حضور ﷺ دے معجزات دا ذکر کردے نیں کدھرے آپ دی پیدائش ویلے رونما ہون والے واقعات نوں شعراں دا روپ دیندے نیں

تے کدھرے آپ دی محبت شفق تے جہاناں لئی رحمت بن کے آون والی صفت دی دس
پاؤندے نیں۔ سیرت پاک دے ذکر نال پرچے کجھ شعر دیکھو۔

ننگے سراں نوں چادراں ملیاں ملیا پیار پتھماں نوں
لاجاں دا رکھوالا آیا عزتاں ملیاں بالڑیاں
آن وسائی سوہنے نے اُسدی کلی لکھاں دی
دو جہاں دا وارث ہو کے بکریاں سن چارنیاں

نعت دے ماخذاں وچوں اک وڈا ماخذ اللہ سوہنے دا کلام پاک اے۔ کیوں جے
سوہنے دیاں صفتاں کرن والی پہلی ذات اللہ سائیں دی اے تے پورا قرآن ای سوہنے
محبوب ﷺ دیاں صفتاں نال بھریا ہویا اے۔ نعت گو شاعراں نے ایس ماخذ توں بھرواں فائدہ
اٹھایا اے تے بہت سارے شعرا جیسے نہیں جیہڑے قرآن پاک دیاں آیتاں دے سدھے سدھے
ترجے نیں۔ عثمان سالک وی صاحب مطالعہ ہستی نیں۔ اوہناں نعتاں لکھدیاں ایس ماخذ توں
لابھ چکيا اے۔

اللہ پاک فرشتے اش دے پھیجن روز سلاماں

بھیجو پاک درود نبی تے ایہو حکم غلاماں

پیر محمد عثمان سالک مہروی سلوک دے راہ دے پاندھی نیں۔ اوہ سلسلہ چشتیہ شکوریہ
مہرویہ وچ پیر حضرت حکیم مہر الدین مہر تاباں دے بیعت تے خلیفہ مجاز نیں۔ اپنے پیر و مرشد دی
نظر کرم دے صدقے اوہناں دے کلام وچ عشق تے محبت دے جذبے کٹ کٹ کے بھرے
ہوئے نیں۔ ایس کتاب دے دو جے حصے وچ اوہناں کجھ کافیاں شامل کیتیاں نیں۔ فتانی الشیخ
توں فتانی اللہ تیک دیاں ساریاں منزلاں دی دس ایہناں کافیاں وچ دکھالی دیندی اے۔ اوہ اپنے
پیر و مرشد حکیم مہر الدین دیاں عطاواں دا ذکر وی کردے نیں تے عشق دے اوکھے راہواں دا وی۔
دو جے لفظاں وچ سلوک دے سفر دے سارے پندھ دکھالی دیندے نیں۔ ایسے پاروں میں
سمجھناں کہ ایہ شعری پراگہ پنجابی دے دینی تے روحانی ادب وچ اک نگہ وادھا اے۔

پروفیسر ارشد اقبال ارشد

صدر شعبہ پنجابی

گورنمنٹ اسلامیہ کالج گوجرانوالا

اک سفنا

سن 1970ء وچ اک سی حرفی پنجابی وچ لکھی سی۔ گیت گانے، ہیر پڑھنی بچپن دا شغل سی۔ یوسف زلیخا مولوی غلام رسول دی لکھی ہوئی کتاب قصص الحسنین، وارث شاہ دی ہیر دوویں کتاباں گھر وچ پہلے توں موجود سن۔ آواز قدرت دلوں عطیہ وی کول سی۔ ایہ سبھ سامان کول سن پر ورتن دا قول نہیں سی۔

1962ء وچ ملازمت دے دوران چیچا وطنی تبادلہ ہو یا تے اک ان ہونی جیہی لے اندر جاگی تے اوہ مرشد دی بھال وچ میاں چنوں لے گئی۔ ایہ سبب بھائی مست اللہ دے ذریعے لگا جیہڑا پہلے وی میاں چنوں سرکار دی ذات پاک کول آؤندا جاندا سی۔ بیعت ہوئی، چٹنک ودھیا تے ہولی ہولی اندر سچے پیار نے یار دے حرف دے معنے کرنے شروع کردتے۔ بجھی عشق دی اک نوں وا لگی تے فیرا جیہی بھڑکی جیہنے ہر شے ساڑ کے سواہ کردتی۔ امیر خسرو دا شعراے۔

لکڑی جلی کوئلہ ہو یو کوئلہ جلیو راکھ
میں پاہن ایسی جلی نہ کوئلہ نہ راکھ
میرا حال وی کجھ ایہو جیہا ای ہویا۔ نوکری گئی، گھر بار گیا، جتنے کسے نے یار دا حال پچھیا
تے یار دا حال اپنے حال وچوں کڈھ کے دسدیاں دسدیاں دن وی لنگھ گیا، رات وی لنگھ گئی پر حال
نہیں مٹکا۔

جیہڑی اک لائی سی پیار نے ہجر نے آ بھڑکائی
وانگ سودائیاں اندر باہر دیندا پھراں دہائی
۲۲ اکتوبر ۱۹۸۱ء وچ یار وچھوڑے دادا غ دے کے دنیا توں پردا کر گیا۔ شاعری
اوہناں دے پیار نے سکھا دتی سی۔ اک ترف، اک سفنا نو یکل جیہی سوچ لے کے آؤندا رہیا۔

ہجردی ترف نے دل دماغ وچ ایسی بے چینی لادتی کہ کسے حال وی آرام نہیں سی آؤندا۔ فیر میرے وارث تے میرے حال دے محرم نوں میرے تے رحم آیا۔ دیار حبیب زیارت داسبب بن گیا۔ عمرے دا شرف حاصل ہو یا تے فیر نعت لکھن دل زیادہ شوق ودھ گیا۔ دل وچ تاہنگ سی کہ شاعری جیہڑی کیتی گئی، اے جے کتے چھاپے چڑھ جاوے تاں خورے یادگار بن جاوے۔

ماہنامہ لکھاری دے ایڈیٹر اقبال زخمی ہوراں نے اپریل 2001ء دے رسالے وچ میری اک کتاب ”نین پیاسے“ دا پورا مسودہ چھاپ دتا پر کتاب چھپوان دی حسرت پوری نہ ہوئی۔ فیر اکتوبر 2001ء وچ اردو کلام ”تسکین روح“ دے ناں نال چھپیا تے کجھ سکون ہو یا پر ادھا جیہا۔

ارشاد اقبال ارشد جیہڑے اقبال زخمی ہوراں دے وڈے پتر نیں تے اسلامیہ کالج گوجرانوالہ وچ پروفیسر نیں، اوہناں نال ملاقات ہوئی تاں کہن لگے تہاڈا پنجابی نعتیہ کلام ایسا ہو چکیا اے کہ کتاب بن سکدی اے۔

میں صوفی محمد انور نال گل کیتی جیہڑا میرا بھتیجا اے، پیر بھائی وی اے تے چودھری شجاعت داسکیر ٹری وی اے۔ صوفی صاحب نے کہیا کہ کوئی گل نہیں۔ اللہ مالک اے۔ اوہناں ہلا شیری دتی تے فیر ایہ کتاب ”اوچن سوہنا“ دا مسودہ اقبال زخمی ہوراں دے سپرد کردتا۔

”اوچن سوہنا“ میرے جذبیاں تے دل وچ وسے ہوئے احساسات و ادب، محبت تے عقیدت دی ترجمان اے۔ پنجابی نعت وچ لفظ اوچن دی شاید تہاڈے لئی اوچن ای ہووے پر ساڈی رحل شکر گڑھ وچ ایہ عام ورتیا جاندا اے۔ انج سمجھ لوو کہ کجھ ٹیپاراں اک بھنڈا روچ پٹھیاں نیں اتوں اک ہور شوخ الہڑا جاندی اے تے سب نوں ہلا ہلا کے کہندی اے ”ہٹوئی مینوں وی جگہ دیہو“۔ دوسری شوخ وی او سے طرحاں ای اوہنوں کہندی اے ”بہہ جانی بہہ جا توں بڑی اوچن آئی ایں“

بندے ی آپس وچ بیٹھے اک دوجے نوں کہن گے کہ ”یار رحمت اجکل اوچن گلاں ای کردار ہندا اے جیہڑیاں کدے دیکھن سنن وچ نہیں آئیاں“

گویا ہر اوہ گل جیہڑی دیکھن سنن وچ نہ آئی ہو دے ”اوچن“ اے۔ بے مثل اے بے
مثال اے۔ جیہدے ورگا کوئی نہیں اوہو ”اوچن“ اے۔

سوہنے نبی ﷺ دی ذات اک ایسی ذات اوچن اے جیہڑی بے مثل اے بے مثال
اے جیہدے ورگا نہ کوئی آیا اے نہ کوئی آوے گا۔ ایسے سوہنے دے ناں تے میں اپنی کتاب دا
ناں ”اوچن سوہنا“ رکھیا اے۔ رہی میری شاعری دی گل تے ایہ تے میرے تے کرم نوازی اے
میرے مرشد پاک مہر الدین مہر جہاں شکوری دی جیہناں اپنی محبت تے شفقت دے نال سرکار
دو جہاں دا عشق وی عطا کر تھڈیا اے۔ نعت ول توجہ وی ایسے عشق تے محبت وچ واردات قلبی
اے جیہڑی شاعری داروپ دھاردی گئی۔

مرشد دی اس نظر کرم نے عمرے جی سعادوت دا وی شرف بخشیا۔ دربار حبیب توں اک
عجیب جہاں در عطا ہو یا تے جد ایہ تحفہ اتھرواں دی شکل وچ ملیا، ایہ اتھولفظاں داروپ دھاردے گئے
تے نعت ہندی گئی۔ عمرے توں آکے جیہڑی پہلی نعت لکھی اوہ ایہی

کیہ کیہ میں رونا نہیں رویا در تیرے تے
کیہ کیہ میرا کم نہیں ہویا در تیرے تے
کنڈھیاں تیکر بھر گئی کھیتی آساں دی
جد میں کھوہ نیناں دا جو یا در تیرے تے

ایہ کتاب چھوان لئی مالی تعاون کرن تے صوفی محمد انور داسکر گزار آں۔ مسودے دی
لکھائی لئی عزیز محمد طارق جاوید مہر دی داسکر گزار آں جیہنے محنت کر کے مسودہ لکھیا۔
سرایے سب پیدا ہندے گئے۔ اللہ پاک نے اپنے حبیب دے طفیل، مرشد دی نگاہ
کرم نال میرا سفنا پورا کر دتا اے۔

احسان نوازش ہے کرم تیری عطا کا

نخہ عثمان سالک مہر دی

16-02-2006

حمد

شروع کراں میں ناں تیرے توں
توں رحمن رحیم

تیری ذات اے پاک خدایا
زیبا سبھ تعریفیں تینوں

برکتاں والا ناں اے تیرا

اعلیٰ عرفہ ذات اے تیری

تیرا کوئی شریک نہیں

تیری اوٹ ای منگاں یارب

شیطان لعین دے کولوں

توں بچاویں توں سنبھالیں

تیرا شکر گزار رہواں میں

سالک بندہ تیرا احقر



حمد

سبھ توں اُچی ذات اے تیری
 سبھ توں اُچا تیرا ناں
 خالق مالک سبھ دا توں ایں
 تیری ملکِ نہیں سبھ جہاں
 اول آخر ذات اے تیری
 ظاہر باطن وچ پنہاں
 تیری رونقِ نظریں آوے
 جنگل بیلے شہر گراں
 چنگی مندی کوچھی سوہنی
 تیری صورت عین عیاں
 پہاڑ سمندر دریا نالے
 تیری حکمت کرن بیاں
 رازق رزق پچاون والا
 چڑی جنور تے انساں
 ساہواں دا وی مالک توں
 تھاں سہا تیرے ملن نشاں
 سالک ڈر لگدا اے مولا
 تیری صفت نہ کر سکاں

☆☆☆☆☆

سلام

سرورِ عالم نورِ مجسم صل اللہ علیہ وسلم
شانیءِ محشر مرسل اعظم صل اللہ علیہ وسلم

ازلی نور توں ہے نہیں سایہ تدھ بن کسے درود نہیں پایا
بے شک سارے نبی معظم صل اللہ علیہ وسلم

لب یا قوتی لعل یمانی دیند نہجیلی مکھ نورانی
کالی زلف ملائم ریشم صل اللہ علیہ وسلم

ابرو قوس ماہی دے سجنا اکھیاں وچ مازاغ داسر مہ
بولاں ماہی چھیڑیا سرگم صل اللہ علیہ وسلم

تیری راہواں تیریاں تھاواں ساڈے لئی زیارت گاہواں
عشق نوں کرنا پیندا سرخم صل اللہ علیہ وسلم

بولیا، کچا، آکھیا، سُنیا اُمت لئی ہدایت بنیا
تیرا کملی والیا ہر کم صل اللہ علیہ وسلم

عقلاں ہو شدائی کھیاں سوچاں سوچ و دھائی کھیاں
امی ہو کے رہبر عالم صل اللہ علیہ وسلم

لکھ ہزاراں صدیاں آئیاں تیریاں صفتاں دون سوائیاں
توں رب دا رب تیرا ہمد صل اللہ علیہ وسلم

باغ بہاراں تے گلزاراں تیرے لئی سبھ لالہ زاراں
تیرے لئی نیں سارے موسم صل اللہ علیہ وسلم

آقا مل جائے تیری گدائی کیہ کرنی ایں سالک شاہی
ہر جا تیری ذات مقدم صل اللہ علیہ وسلم



سلام

میں ہنجواں دے ہمتھیں گھلے تیرے ولے

دروداں دے گجرے سلاماں دے پھل

اے ختم رسل ہادی کل

ایہوسی تحفے نیناں دے پلے جیہڑے نیں گھلے

دروداں دے گجرے سلاماں دے پھل

اے ختم رسل ہادی کل

ماہی جس نوں چٹھیاں پاوے اوہو ماہی دے گھر جاوے

اوس دے یارو کرم سولے بدھے پلے

دروداں دے گجرے سلاماں دے پھل

اے ختم رسل ہادی کل

جیہڑیاں ماہی دے من بھاون ہار شنگار اوہ لالا جاون

لکھ ہزار اوہناں دے پلے لے لے چلے

دروداں دے گجرے سلاماں دے پھل

اے ختم رسل ہادی کل

قافلیاں دے قافلے جاون میریاں اکھیں نیروگاون

رکھ اُمیدیاں سالک جھلے ماہی ولے

دروداں دے گجرے سلاماں دے پھل

اے ختم رسل ہادی کل

☆☆☆☆☆

سلام

درود آکھناواں سلام آکھناواں
میں آقا نوں صبح تے شام م آکھناواں

مدینے دے ساقی توں مل جائے پی کے
میخانے نوں وی میں سلام آکھناواں
درود آکھناواں سلام آکھناواں

ابوبکر و عمر و عثمان و حیدر
مدینے دے مے کش تمام آکھناواں
درود آکھناواں سلام آکھناواں

صبح و شام گھلاں درود و سلاماں
عقیدت دا پی کے تے جام آکھناواں
درود آکھناواں سلام آکھناواں

مدینے دے ساقی توں جس نے وی پیتی
میں اُس نوں وی لکھاں سلام آکھناواں
درود آکھناواں سلام آکھناواں

ہتھ رکھ کے سینے تے سرنوں جھکا کے
 سوہنے دا خود نوں غلام آکھناواں
 درود آکھناواں سلام آکھناواں

کدی مشکلاں مشکلاں رہندیاں نہیں
 میں آقا دا جد لے کے جام آکھناواں
 درود آکھناواں سلام آکھناواں

لکھاں دروداں تے سالک سلاماں
 مرشد دا لے کے تے نام آکھناواں
 درود آکھناواں سلام آکھناواں
 میں آقا نوں صبح تے شام آکھناواں

☆☆☆☆☆

سلام

سلام آکھاں نبی سوہنے تے پیارے نوں سلام آکھاں
سلام آکھاں شہشاہ دو عالم دے ستارے نوں سلام آکھاں

حدیثاں و سدیاں سانوں ترا چن تے کھڈونا سی
میں نوری اُس پنگھوڑے دے ہلارے نوں سلام آکھاں

ادب تیرا جیہڑا بھگیاڑاں نے کیتا، عجب کیتا
شیمیاں دے فلراں وچ ڈبے ہوکارے نوں سلام آکھاں

غریبی تے یتیمی دے تساں آ اتھرو پونجے
یتیمیاں تے غریباں دے سہارے نوں سلام آکھاں

شب معراج رب نے والہانہ ایہ سی فرمایا
مرے محبوب عرشاں دے دلارے نوں سلام آکھاں

اُمّت دے واسطے غاراں دے وچ روندے رہے راتاں
اُمّت دے دکھاں تے درواں دے مارے نوں سلام آکھاں

اوہ ازلی نور دا تارا جو جبرائیل نے تکیا
تیرے متھے چمکدے نوری تارے نوں سلام آکھاں

مدینے پاک دی عزت ادب عظمت میرے دل وچ
ایہو جی کردا میرا شہر سارے نوں سلام آکھاں

تصور وچ جدوں وی آپ دے روضے تے جاناواں
سکوں دیندا اے جو مینوں نظارے نوں سلام آکھاں

پڑھو صلی علی علیہ وسلم نبیء رحمت تے
ایہ بخشش واسطے سالک دے چارے نوں سلام آکھاں



صلی اللہ علیہ وسلم

کرم دا اک جے ہو جائے اشارا یا رسول اللہ
 کراں میں وی تے روئے دا نظارا یا رسول اللہ
 کدوں دی تاہنگ دل میرے چ ویکھاں پیاریاں گلیاں
 نالے ویکھاں میں تیرا شہر پیارا یا رسول اللہ
 جے مل جاوے مینوں وی اذن تیرے کول آون دا
 لٹا دیواں میں گھر سارے دا سارا یا رسول اللہ
 میرے وی حال تے لہ کرم دی جھات اک پاؤ
 چمک جائے مری قسمت دا تارا یا رسول اللہ
 عمل وی کوئی ایسا نہیں جیہدے تے مان کر بیٹھاں
 تسیں تے جاندے او حال سارا یا رسول اللہ
 کسے نوں مان دولت دا گسے نوں کوئی ہووے گا
 مینوں تے مان تیرے دا سہارا یا رسول اللہ
 ونے راتیں ایہو سالک میں ہر دم سوچدا رہناں
 کدوں تیکر پھراں گا مارا مارا یا رسول اللہ



صلی اللہ
علیہ وسلم

میں رو رو داستان تینوں سناواں یا رسول اللہ
تیرے در دے بناں کتھے میں جاواں یا رسول اللہ

گنہگاراں دا توں والی ' ترے موڈھے کملی کالی
کتھے جاواں میں مونہہ کالی سداواں یا رسول اللہ

عمل دی جھولی خالی اے ایہ رحمت دا سوالی اے
کیہدا اج واسطہ تینوں میں پاواں یا رسول اللہ

بڑا ایہ شرف اُچا اے بناں سگ تیری گلیاں دا
میں ڈگ ڈگ قدماں وچ تینوں مناواں یا رسول اللہ

ایہو اے آرزو میرنی رہوے اک یاد بس تیری
نہ دنیا دی کوئی خواہش میں چاہواں یا رسول اللہ

خدا دے واسطے سالک نوں وی اپنا بنا لینا
جتھے جاواں میں تیرے گیت گاواں یا رسول اللہ

☆☆☆☆☆

111211

صلی اللہ علیہ وسلم

کوئی دکھیا جو در تیرے تے آوے یا رسول اللہ
 تیرے اوہ کرم توں خالی نہ جاوے یا رسول اللہ
 خداوی ذات اوس اُتے ہزاراں کرم کردی اے
 تیرا میلاد جو گھر وچ مناوے یا رسول اللہ
 تیرے ولوں تے مومن تے عطاواں ای عطاواں نہیں
 بشرطِ اوہ ترا بردا کہاوے یا رسول اللہ
 توئی اول، توئی آخر، توئی ظاہر، توئی باطن
 توئی ایمان دی دولت جے پاوے یا رسول اللہ
 اوہو کافر جو تیری شان دا انکار کردا اے
 اوہو مومن جو تیرے گیت گاوے یا رسول اللہ
 مری اکو ریاضت اے ذکر تیرا عبادت اے
 ذکر چنگا جو تیرے من نوں بھاوے یا رسول اللہ
 تینوں آکھاں تے کیہ آکھاں کیوں گزری اے سالک دی
 مری تے قلم وی اتھرو وگاوے یا رسول اللہ



ﷺ

میری اک بے بسی دا ہے فسانہ یا رسول اللہ
 میری اس بے بسی تے رحم کھانا یا رسول اللہ
 بھری دنیا دے وچ کوئی نہیں میرا سوا تیرے
 مخالف توں ہواواں توں بچانا یا رسول اللہ
 میری غربت زمانے نے اڈائی خاک اے جسدی
 کتھے جاواں نہیں کوئی ٹھکانہ یا رسول اللہ
 جے مل جاوے حشر وچ اک اشارہ تیرے ابرو دا
 ہے کافی میری بخشش دا بہانہ یا رسول اللہ
 دینے راتیں ذکر تیرا مرا ایہو وظیفہ اے
 تری یاداں نوں سینے نال لانا یا رسول اللہ
 تری ہی ذات اقدس پردہ پوش اے میرے جرمیں دی
 تینوں آؤندی سبھ بگڑی بنانا یا رسول اللہ
 ہے اکو آرزو سالک وقت جد آخری آوے
 مرے لب تے رہوے تیرا ترانا یا رسول اللہ

☆☆☆☆☆

ﷺ

جہناں نوں آپ نے سدیا مدینے یا رسول اللہ
لگے نین پار اوہناں دی سفینے یا رسول اللہ

جہناں ویکھے نین اکھیاں نال منظر تیریاں گلیاں دے
نظارے اوہناں لئی جنت دے کیہ نین یا رسول اللہ

ترے اک کرم دی پندی اے جتوں جہات رحمت دی
سمھے آ جانده اوہناں نوں قرینے یا رسول اللہ

میں کیوں آ کھاں میری خالی اے جھولی ایہدے وچ کجھ نہیں
بھرے رہندے نین یاداں دے خزانے یا رسول اللہ

ہجر تیرے چ رونا سہکنا اتھرو وگا لینا
ایہو کجھ سیکھ لیا اے میرے جی نے یا رسول اللہ

تیرے درگا کوئی آیا نہ آوے گا قیامت تک
قدم چُٹے ترے عرشِ بزیں نے یا رسول اللہ

خدا دی ذات نے قاسم بنا کے تینوں گھلایا اے
تیرے ہتھوں دے وچ سب دے روزینے یا رسول اللہ

تیری اکو زیارت سُفنے وچ کافی اوہناں لئی
ہجر وچ جہناں دے بڑ دے نیں سینے یا رسول اللہ

جدوں وی درد دی دولت تیرے ولوں عطا ہوئی
اودوں دے آ گئے اتھرو وی پینے یا رسول اللہ

نہیں بھلدے کدی وی اج وی سالک یاد آؤندے نیں
تیرے اس شہر دے منظرِ حسیں نے یا رسول اللہ



میلا د

چار پھیرے گھپ ہنیرے
 راہ کھیڑا نہ کتے وی لھے
 آپو اپنی سبھ نوں پئی سی
 دکھ کسے دا کوئی نہ ونڈے
 دل پھرتے رب پھر دے
 اُس دے گھر وچ پھر والی
 اک دووی نہیں، تن سو سٹھ سن

ہر خواہش دا وکھرا رب سی
 زور اواراں دی من مانی سی
 عزت وچ ہزاراں وکدی
 انسانیت سی لکھی لنگڑی
 غربت واویلا سی کردی

سدرہ دا اک راہی آیا
 نورانی چکارا وجیا
 چائن ہويا چار چوفیرے
 اُجڑے باغ بہاریں دے
 غربت دیاں اکھاں وچ ویکھے
 خوشی دے اتھرو ڈلھکاں مارن

اوہ راہی سی اک انوکھا
 راہی سبھ داء مالی بنیا
 اگلے راہی اس دے بروے
 اوہ رانجھا سی سبھ دا سانجھا

کیہ دساں میں کون سی آیا
 خلقت جس دا رولا پایا
 لاجاں دا رکھوالا آیا
 آگیا دُکھڑے پھولن والا

غاراں دے وچ روون والا
 ساری اُمت دا اوہ والی
 موڈھے جس دے کملی کالی

میں وی ویکھاں اُس دیاں راہواں
 اٹھدی بہندی نت اڈیکاں
 کد ویٹھے ول پھیرا پاوے
 سالک نوں وی گل نال لووے



میلا د

تیرے آون تے بہاراں آ گئیاں
رحمتاں بن بن گھٹاواں چھا گئیاں

لگ پئے ون نیں بدل پیار دے
کھڑ پئے نیں پھل اجڑی بار دے

توں غریباں بے کسماں دا آسرا
کون ہے دنیا چ بس تیرے سوا

میں ہاں کملی تیری کملی والیا
رکھ لوں شرماں توں شرماں والیا

چنگی مندی جووی ہاں بس تیری آں
تیرے ہتھ وچ لا جاں شرماں میریاں

مینوں وی اے تا نگھ رہندی سوہنیا
سد لے ہن سد لے توں من موہنیا

وکیہ لواں میں وی گلیاں پیاریاں
حسرتاں مٹ جان دل دیاں ساریاں

چم لواں میں نوری جالی تیری نوں
چمین مل جائے جے حسرت میری نوں

سد لوں مشکل تے نہیں تیرے لئی
ہے بڑی مشکل بنی میرے لئی

آرزو سالک مدینے جان دی
میں نتانی تان تیرے مان دی



میلاد

سکیاں ٹہنیاں ہریاں ہوئیاں سہکدیاں نوں زندگیاں
تیرے آیاں ہو گئیاں نیں کالیاں راتاں چاننیاں

مونہہ دے بھار ڈگے بت سارے مکے دے وچ شور پیا
آمنہ دے گھر آسیہ مریم دین مبارکاں آ گئیاں

اُچے محل منارے کتبے نیویاں نے سر چک لئے
ایران دے آتش کدے دے اندر ہن کس اگاں بالنیاں

اکو سبق پڑھایا سبھ نوں رب اکو اے سمھناں دا
جھوٹے رب دی پوجا کر کے ہن نہیں عمراں گالنیاں

ننگے سراں نوں چادراں ملیاں ملیا پیار یتیمیاں نوں
لاجاں دا رکھوالا آیا عزتاں ملیاں بالڑیاں

آن وسائی سوہنے نے سی اُسدی کلی ککھاں دی
 دو جہان دا وارث ہو کے بکریاں سن چارنیاں

کرم ہویا جد آقا دا تے گونگے بولن لگ پئے
 کوچھے سوہنے لگن لگ پئے ہوشاں ملیاں بانوریاں

لاالہ دی پھیر بہاری الا اللہ دا ورد پکا کے
 سالک سوہنا کول بٹھا کے اساں وی سبجاں ماننیاں



میلاو

عرش فرش تے رونقاں آمد حضور ﷺ دی
رحمت دیاں نیں بارشاں آمد حضور ﷺ دی

غربت دی کلی ول جدوں سوہنے نے ویکھیا
گھر وچ حلیمہ برکتاں آمد حضور ﷺ دی

غربت دی اکھ وچ اتھرو خوشیاں دے ڈلھکدے
خوشیاں منائیاں غربتاں آمد حضور ﷺ دی

امت دے نرتے لکھاں گناہواں دے بھارسن
امت لئی فیر بخششاں آمد حضور ﷺ دی

آیا کوئی نہ آوے گا سوہنے دے نال دا
ایہ دو جہاں تے رحمتاں آمد حضور ﷺ دی

اللہ دی پاک ذات نے سوہنے دی شان وچ
لکھیاں نے کئی آیتاں آمد حضور ﷺ دی

عرش بریں وی سج گیا آمد حضور ﷺ تے
رستے بنے سی کہکشاں آمد حضور ﷺ دی

اپنے پرانے دا کوئی رکھیا نہ امتیاز
سوہنے دیاں ایہ عادتاں آمد حضور ﷺ دی

سوہنے دے اگے جد وی اتھرو وگائے نیں
رہیاں نہ کوئی حسرتاں آمد حضور ﷺ دی

میں جیہے گنہگار تے ایہ کرم نوازیاں
سالک ایہ کیہ تے قسمتیاں آمد حضور ﷺ دی



ﷺ

سب توں اُچی ذات سوہنے دی
سچی سچی بات سوہنے دی

میری قلم نوں چاء چڑھ جاندا
جد میں لکھاں نعت سوہنے دی

اوچن سوہنا جگ تے آیا
ہر وکھری عادات سوہنے دی

اوہو نیواں اُچا ہویا
جس نوں ملی خیرات سوہنے دی

کرم سوتے ہو جاندے نہیں
جے پے جاوے جہات سوہنے دی

اُمّت لئی نہ رویا ہووے
ایسی کوئی نہیں رات سوہنے دی

کھر بنجر وں جاندے نیں
جد ہووے برسات سوہنے دی

کچھ نہ ہوندا دو جگ اندر
جے نہ ہوندی ذات سوہنے دی

عظمت ادب تے سبق حیاتی
وج قرآن صفات سوہنے دی

اکھیاں نوں جے رونا ملیا
سالک سمجھ سوغات سوہنے دی



صلی اللہ
علیہ وسلم

سد لے آقا فیر مدینے
ہجر دا بھانبر بلدا سینے

مڑ مڑ تیریاں یاداں آون
مڑ مڑ پیندے اتھرو پیٹے

آساں لکیاں فیر دیکھاں گے
میریاں ہور اڈیکاں کیہ نے

وج اڈیکاں لنگھ جاندے نیں
دن تے راتاں سال مہینے

ہس کے کولوں لنگھ جاندے نیں
دکھ کسے نوں دسنے کیہ نے

تیرے ادب تے پورا اُتراں
ایسے کتھوں لواں قرینے

تیری وچ جدائی سوہنیا
رونا سکھ لیا میرے جی نے

عشق تیرے وچ جیہڑے پھس گئے
عقلاں بھل گئے دانے بینے

کنے اُچے لیکھ اوہناں دے
جیہڑے وسدے اوں زمینے

سالک سبھا! آس نہ توڑیں
سنیاں سبھ دیاں سوہنے نبی نے



صلی اللہ
علیہ وسلم

کیہ کیہ رونا میں نہیں رویا در تیرے تے
کیہ کیہ میرا کم نہیں ہویا در تیرے تے

کنڈھیاں تیکر بھر گئی کھیتی آساں دی
جد میں کھوہ نیناں دا جویا در تیرے تے

چکو دے وچ بھریاں ہویاں گندیاں نوں
کرم دی بارش مل مل دھویا در تیرے تے

تیری رحمت ودھ کے لے لیا بگل وچ
جو شرمندہ ہو ہو رویا در تیرے تے

جتنا بخت تے مان کراں میں تھوڑا اے
کیہڑا جیہڑا کرم نہیں ہویا در تیرے تے

بارش ہوندى نور درود سلاماں دى
درد نوں لوں لوں وچ سمویا در تیرے تے

رو رو در تیرے تے اتھرو سکدے نہیں
اوس ویلے جد مُرنا ہویا در تیرے تے

ادب نوں وی جے ادب آیا تے در تیرے توں
بے ادباں تے کرم جے ہویا در تیرے تے

رب دے گھروں وی سالک اس لئی کچھ نہیں اے
جو نہ اپنا دُکھڑا رویا در تیرے تے



قطعه

کیہ خوبیاں نہیں ہیں محمد ﷺ دی ذات وچ
 کوئی معیوبیاں نہیں ہیں محمد ﷺ دی ذات وچ
 ہر صفت ذات پاک نے سوئے چ بھر دتی
 بے دیدیاں نہیں ہیں محمد ﷺ دی ذات وچ



صلی اللہ علیہ وسلم

کعبے دی عظمت محمد ﷺ دی خوبی
 مدینے دی عزت محمد ﷺ دی خوبی
 زمینی خلافت محمد ﷺ دی خوبی
 سماوی حکومت محمد ﷺ دی خوبی
 اسرار وحدت رمز نبوت
 توحید رسالت محمد ﷺ دی خوبی
 موسیٰ دی جلالت داؤدی قوت
 عیسیٰ دی حکمت محمد ﷺ دی خوبی
 صدیقی صداقت عمرؓ دی عدالت
 عثمانؓ دی غنائیت محمد ﷺ دی خوبی
 حیدرؓ دی جرأت حسنؓ دی لیاقت
 حسینؓ شہادت محمد ﷺ دی خوبی
 حلیمہؓ دی قسمت ڈاچی دی طاقت
 ویہڑے دی عزت محمد ﷺ دی خوبی

علم دی دلالت زباں دی حلاوت
 عبادت دی لذت محمد ﷺ دی خوبی
 فقر دی قناعت حسن دی کرامت
 مومن دی قوت محمد ﷺ دی خوبی
 عطاواں دی عادت وفاواں دی فطرت
 دعاواں چج برکت محمد ﷺ دی خوبی
 فصاحت بلاغت دانش تے حکمت
 عالم تے رحمت محمد ﷺ دی خوبی
 حسن دی عنایت عاشق دی حسرت
 بلالی محبت محمد ﷺ دی خوبی
 سالک دی وحشت اللہ دی قدرت
 خدا ہے حقیقت محمد ﷺ دی خوبی



ﷺ

سوہنے دے ورتارے سوہنے
سوہنے دے کم سارے سوہنے

سورج جن ستارے سوہنے
انبریں چمکن تارے سوہنے

سوہنے دے جا دیس ج ڈٹھا
ڈٹھے عجب نظارے سوہنے

ٹھنڈیاں ٹھار ہواواں چلن
دل نوا، دین ہلارے سوہنے

مُھلاں دا گلدستہ لگداے
چارے یار نیں چارے سوہنے

رنگ برنگی پیدا کر کے
اپنے بھیت کھلا رہے سوہنے

عشق ہزارے بازی لے گئے
کو جھجھ جتے ہارے سوہنے

لکھاں وانگوں رُلدے پھر دے
لعلوں دے ونچارے سوہنے

اتھے وسدے لگدے مینوں
بحن بلی پیارے سوہنے

سالک سوہنا اندر بیٹھا
تائیوں لگدے سارے سوہنے

☆☆☆☆☆

ﷺ

جے سد لوئیں تے آواں میں وی
دکھڑے کھول سناواں میں وی

اُچے ہون نصیب جے میرے
شہر مدینے جاواں میں وی

روضہ تک کے سوہنیا! تیرا
سجدیوں سر نہ چاواں میں وی

نوری سبز گبند نوں تک تک
دل دیاں سدھراں لاہواں میں وی

منگتیاں نوں خیراتاں ونڈیں
جھولی اڈ کے آواں میں وی

سالک جے منظوری ہووے
سُتے بخت جگاواں میں وی

☆☆☆☆☆

صلی اللہ
علیہ وسلم

جد وی لیتاں تیرا ناں
پہلے بسم اللہ کہاں

تیرا ذکر عبادت جاناں
دم دم ناں درود پڑھاں

کدی وی میتوں بھلے یاں نہیں
تیرے شہر دیاں گلے یاں

اک اک ذرہ شہر تیرے دا
عقیق زمرہ جدا ناں

قبلتین بلالی مسجد
ہور قبا دیاں کیہ ریاں

جبل رحمت جبل نور
تیرے قدم دیاں شانناں

پرواز تصور در تیرے تک
اس توں ودھ کیہ اڈ سکاں

فرض سلامی در تیرے تے
وعدے نبیاں تے ولیاں

کدی بلاویں فیر اک واری
میں صدقے میں واری جاں

سالک اتے کرم نوازیاں
گن گن کے میں کیہ دساں



صلی اللہ
علیہ وسلم

تینوں ترن میرے نین
توں ایں میرے دل دا چین
سینہ ڈنگدی تیتھوں دوری
پہنچ نہ سکاں ہے مجبوری
بھلایاں نہیں اوہ دن اتے راتاں
اکھیاں وچ سن جد برساتاں
روندیاں روندیاں در تیرے تے
پلکاں ۽ نال سلا ماں کہن
مکدیاں نہیں دل دیاں سدھراں
کول ہوواں تے پاواں خبراں
قسمت والے اوہ لوکیں نیں
جیہڑے در تیرے تے رہن
سوہنیا تیتھوں صدقے جاواں
کر دے میریاں رو بلاواں
ہے گلایاں دا روڑا کوڑا
جس نوں لوکی سالک کہن
☆☆☆☆☆

صلی اللہ علیہ وسلم

گلشن ہے مدینہ تے ہے گلزار مدینے
گل رنگ فضاواں دی ہے بہار مدینے

کعبے نوں وی قبلہ جے بنایا تے نبی نے
کعبے دا وی کعبہ نہیں سرکار مدینے

اس گنبد خضرا دی بہاراں دے تصدیق
دن رات برس دے نہیں انوار مدینے

ظہ وی یسین وی مدرّ وی منزل
سب صورتاں دا اے صورت کردار مدینے

شب قدر وی شبرات وی معراج دی شب وی
ہر اک دی فضیلت دا سزاوار مدینے

اے حسرت بیتاب مک جاندے نیں پینڈے
اے کاش کدی ہووے جے گھر بار مدینے

خود نال فرشتیاں دے مل کے دے راتیں
بھیجے درود آپ کرد گار مدینے

اس شہر گلستاں دے خورشید نیں ذرے
ماہتاب نیں کہسار ہتے بازار مدینے

روشنی دی سلامی ایں مقدر دا سنورنا
بخشش دا ضروری نیں اظہار مدینے

ہر حال گناہواں تے شرمسار ہے سالک
عاصی دی اُمیداں دا ہے غمخوار مدینے



صلی اللہ علیہ وسلم

دنیا دے وچ رتبیوں اُچا اکو شہر مدینہ اے
نبیاں وچوں سوہنا میرا نوری اک نگینہ اے

بے شک مڈھ قدیمی رُتبہ مکے نوں ہی ملیا اے
پر سوہنے دی ذات دے باجھوں خالی خالی زینہ اے

قادر مطلق ذات اللہ دی مالک کل جہاناں دا
وارث رب تے قاسم سوہنا جس دے ہتھ خزینہ اے

برکتاں رحمتاں بخششاں والا ماہ رمضان اکھواندا اے
پر نہیں ریس ربیع الاول سارا نور مہینہ اے

عطر گلاب روئل چنبیلی شہنشاہ خوشبوداں دے
بھ خوشبوداں ہچ نیں رہیاں اُچا اوہدا پسینہ اے

کامل شرط ایمان مکمل عشق نبی دا لازم اے
جتنے وسدی حب نبی دی اوہ مومن دا سینہ اے

خواب دے اندر جھلک سوہنے دی بے میسر ہو جاوے
ہر خواہش توں اُچی میری خواہش اک دیرینہ اے

صفت آقا دی کرسکاں میں بے ادبی جیہی لگدی اے
ایہ مرشد دا صدقہ ورنہ سالک اک کمینہ اے



ﷺ

سوہنیا! اج کل در تیرے تے آئیاں خوب بہاراں نہیں
اُچی قسمت والیاں جا کے موجاں مانیاں یاراں نہیں

بے شک رب دی بخشش تے وی جو بن آیا ہو یا اے
بے شک جھولیاں بھر بھر لٹی بخشش اوگنہاراں نہیں

پر اوہ ہجر دے سڑ دے سینے عشق تیرے نہیں لٹے جو
جہناں دلاں وچ لائیاں ہوئیاں پیار تیرے نہیں کھاراں نہیں

ہنجواں دے نذرانے لے کے در تے حاضر ہو گئے نہیں
پلکاں نال سلاماں کر کر پائیاں ٹھنڈیاں ٹھاراں نہیں

عشق دے کوچے عاشق وڑ دے جان تلی تے دھر دھر کے
سجیاں مہبیاں لگدیاں جد وی حسن دیاں سرکاراں نہیں

در تیرے تے ہئے اڈن ہر دم درود سلاماں دے
ہر تھاں مہکن شہر تیرے دیاں سوہنیا! اج گلزاراں نیں

عاشق دے لئی شہر مدینہ عرش تور اُچا لگدا اے
عرشوں ودھ کے مُل پوایا تیرے شہر ہزاراں نیں

میل کچیل دلاندی دھوندی رحمت تیری پھر ہڑ کے
سب تے کرم نوازیں آقا تیریاں لکھ ہزار نیں

نور دیاں برساتاں در تے رحمت جھڑیاں لائیاں نیں
غم وچ ڈبے پور دلاں تے لیاں رحمت ساراں نیں

تیری رحمت جوش دے اندر رُت بہار دی لگدی اے
تیرے ہجر دے اندر چھڑیاں اساں وی دل دیاں تاراں نیں

سالک ورگے وچ خیالاں آل دوالے پھر دے نیں
بن بن لکھ درود سلاماں ہن جو بن قطاراں نیں

ﷺ

ہے شان تیری لولاک الما ، ماہی سوہنا مکی مدنی
توں نور ستارا ازلاں دا ، ماہی سوہنا مکی مدنی

تیرا بول حدیث قرآن شاہا ، ماہی سوہنا مکی مدنی
تیرا چلنا پھرنا رب دی رضا ، ماہی سوہنا مکی مدنی

صورت بشری نوری صفحاں تیرا حکم چلے عرشاں فرشاں
توں شافی ایں روز محشر دا ، ماہی سوہنا مکی مدنی

کل روحاں دا وجدان ایں توں کل عالم جسم جان ایں توں
اک اک ذرا مدح سرا ، ماہی سوہنا مکی مدنی

ہر شے کردی ذکر تیرا ، ڈالی ڈالی پتا پتا
گلشن گلشن بوٹا بوٹا ، ماہی سوہنا مکی مدنی

تیری نظر کرم دی گل ساری گلشن گلشن ہو گلکاری
کدی رحمت دا وی مینہ برساً ماہی سوہنا کی مدنی

شالا غم تیرا نہ مک جاوے بھاویں ساہ زندگی دا رُک جاوے
تینوں یاد کراں مردا مردا ' ماہی سوہنا کی مدنی

توں رحمت عالم سارے لئی شفتت راحت دکھیارے لئی
سالک لئی چائن اکھیاں دا ' ماہی سوہنا کی مدنی



صلی اللہ علیہ وسلم

میں مدنی سرکار نوں سوہنا کیوں نہ آکھاں
سوہنے رب دے یار نوں سوہنا کیوں نہ آکھاں

ایڈا سوہنا جس دی کوئی مثال نہیں
ایہو جیہے شہکار نوں سوہنا کیوں نہ آکھاں

اُس دے بول قرآن حدیثاں بن گھیاں
میں اوہدی گفتار نوں سوہنا کیوں نہ آکھاں

صدیقؓ عمرؓ عثمانؓ علیؓ نہیں گلدستہ
گلشن دے گلزار نوں سوہنا کیوں نہ آکھاں

کبیل منزل مدثر چادر والی کھڑا
والیل زلف خمدار نوں سوہنا کیوں نہ آکھاں

اوہ سوہنا سارے دا سارا سوہنا اے
حسن دی اُس سرکار نوں سوہنا کیوں نہ آکھاں

ٹھنڈیاں ٹھار ہواواں تیرے حرم دیاں
جنت جہی بہار نوں سوہنا کیوں نہ آکھاں

روز فرشتے آون جیہدی سلامی لئی
روضہ پُرانوار نوں سوہنا کیوں نہ آکھاں

سالک جے بدکار نوں صدقہ مرشد دا
روضے دے دیدار نوں سوہنا کیوں نہ آکھاں



صلی اللہ
علیہ وسلم

سوہنا نام محمد صل علی تیرے نام توں صدقے لکھ واری
میرا سوہنا والی دو جگ دا تیرے نام توں صدقے لکھ واری

سوہنے دیاں اُچیاں شانناں نیں، اوہ محبوب حبیب ربانا اے
قرآن ہے سارا ذکر تیرا تیرے نام توں صدقے لکھ واری

آقا دے چارے یار سوہنے دلدار دلبر تے من موہنے
ہراک عاشق وکھرا وکھرا تیرے نام توں صدقے لکھ واری

سوہنا شہر مدینے دا واسی اے دو جگ سوہنے دا آسی اے
شیدائی ہے جسدا آپ خدا تیرے نام توں صدقے لکھ واری

سوہنا دل دا چین تے ٹھنڈا کھیاں، اساں سوہنیا آساں ہن رکھیاں
کدی فیر توں اپنے کول بلا تیرے نام توں صدقے لکھ واری

سالک تے کرم نوازیاں نیں آقا بگڑیاں سبھ سواریاں نیں
ساہ ساہ نال کرناں شکر تیرا تیرے نام توں صدقے لکھ واری

☆☆☆☆☆

صلی اللہ
علیہ وسلم

سوہنے سوہنے جگ تے آئے ہور وی لکھاں سوہنے
تیرے ورگا اک نہیں آیا نہ کوئی اکوں ہونے

رحمت تیری واجاں مارے اوگنہاراں تائیں
جو کوئی میں دل عرض گزارے معاف کرے رب سائیں

اک اک حرف قرآنی سوہنیا نعت تیری وج آیا
اُس دی صفت کرے گا کیہڑا جس دا ہے نہیں سایا

شکر گزار تیرا جو آیا اوہ حق دار کرم دا
بے شک ڈردا عرض نہیں کردا ماریا اوہ شرم دا

توں مطلوب حبیب ربانا تیری شان اُچیری
دو جہاں ملکیت تیری جنت باندی تیری

اللہ پاک فرشتے اُسدے بھیجن روز سلاماں
بھیجو پاک درود نبی تے ایہو حکم غلاماں

نام لیاں ٹھنڈ پیندی سینے تے دور ہوون دُکھ سارے
پل وچ مشکل حل ہو جاوے جے کوئی عرض گزارے

دعویدار میں حب تیری دا ہرگز جرأت نائیں
عرض گزار کرم دا آقا جے ہووے میں تائیں

لکھ ہزار درود سلاماں تیری وچ حضوری
اک نگاہ کرم دی سالک جے ہووے منظوری



ﷺ

آیا سوہنا نبی دو جہاں دی خوشی جس دی آمد چ محفل سجائی گئی
ہر طرف ہو گئی روشنی روشنی شکل سوہنے دی جسم دکھائی گئی

آمد مصطفیٰ احمد مجتبیٰ ذکر صل علیٰ مرحبا مرحبا
اج فرش تے عرش وی سجایا گیا اج ساری خدائی سجائی گئی

باشمی مطلبی رب وا پیارا نبی ہماری اُمت وا واحد سہارا نبی
سوہنا ازلاں توں نوری ستارا نبی لٹائی جیہدے لئی خدائی گئی

نبی دیندے آئے جیہدیاں خوشخبریاں جسدیاں مرضیاں رب دیاں مرضیاں
دتیاں اُمت لئی جس نے قربانیاں اُس نوں جنت دی کنجی پھڑائی گئی

صدقہ مرشد داسالک دیاں زاریاں میرے سوہنے نبی سُن لیاں ساریاں
اوس سوہنے توں جاناں نیں لکھ واریاں جسدے درتے خدائی جھکائی گئی



ﷺ

کیوں نہ شکر گزار میں ہوواں اُنہاں خوش بخت ہوواں دا
دیس تیرے چوں جو آئیاں نیں سُن کے عجز دعاواں دا

در تیرے تے منکن والے وسدے بے نیازی وچ
رُشک آؤندا اے حال نوں تک تک تیرے اوہناں گداواں دا

عُبر تے کستوری نالوں ودھ خوشبو پسینے دی
جدھروں وی لنگھ جاویں توں بدلے رنگ فضاواں دا

چہرہ دیکھ کے ہوش بھلے سن دعویدار حسیناں دے
فرزانے دیوانے ہو گئے پی کے جام نگاہواں دا

اُٹھنا بیٹھنا چلنا پھرنا لہجا تیرا تبسم سی
کہن سی جیہڑا شیدا نہیں سی دلبر یار اداواں دا

درد تیرے دی لذت دی وی عجب عبادت ہوندی اے
 قرب دا رشتہ رکھنا پیندا ساہواں دے نال ساہواں دا

مدتاں لگدیاں سمجھن دے لئی تیرے اک اشارے نوں
 حال تیرے دا واقف ہوندا واقف کار ای راہواں دا

جے کر عجز تیرا نہ اُسدی رحمت نوں بھرما سکيا
 اِس در فیر کوئی نہ سجا تیریاں مِل صداواں دا

جرماں دا کیہ دساں میں آکھاں کیہ عطاواں نوں
 زور کوئی نہ چل سکيا عطاواں نال خطاواں دا

سالک ورگے لکھاں اتھے نظر کرم دے بھکھے نہیں
 تیری رحمت باجھوں کوئی نہیں اتھے بے نواواں دا



صلی اللہ علیہ وسلم

سبھ دا چارہ کار مدینے
دُکھیاں دا غمخوار مدینے

بہانہ بخشش ہو جاندا اے
دن گزرن جے چار مدینے

گنبد خضریٰ تک تک اکھیاں
لیندیاں سینہ ٹھار مدینے

ہور کیہ ہووے دل دی حسرت
بلاون فیر سرکار مدینے

عمر وہانی بے اعتباری
رہندی دیاں گزار مدینے

رات وِنے اوہ چیتے آون
گلِیاں شہر بازار مدینے

کیہ ہویا بے میں کوجھی آں
سوہنا اے من ٹھار مدینے

بیٹھا ایتھے خیال ہے اوتھے
دل دی لمی تار مدینے

سالک صدقہ مہر جہاں دا
ہووے گا دیدار مدینے



ﷺ

دے سوہنا دیدار مدینے والٹریا
میں تیرا بیمار مدینے والٹریا

بھلدیاں نہیں اوہ مینوں گھڑیاں
بھلدی نہیں بہار مدینے والٹریا

میں تڑی تے کرم کما دے
سد لے فیراک وار مدینے والٹریا

اج تک ترغاں یاد تیری وچ
روواں زارو زار مدینے والٹریا

مینوں جنت توں وی ودھ نہیں
تیرے شہر بازار مدینے والٹریا

میریاں کیتیاں ول نہ جاویں
میں ہاں اوگنہار مدینے والٹریا

میرا لوں لوں وچ پلیتی
کرم دی پا پھوار مدینے والٹریا

پردہ پوش نہ تده بن کوئی
توں سبھ دا غمخوار مدینے والٹریا

میں جھوٹھا شرمندہ عملوں
فضل تیرا درکار مدینے والٹریا

صدقہ مرشد مہر جہاں دا
لاوے بیڑا پار مدینے والٹریا

تیری نظر کرم دے بھکھے
سالک جیہے بدکار مدینے والٹریا



ﷺ

آ گیا جہدیاں اڈیکاں رب دا پیارا آ گیا
ہر طرف خوشیاں ای خوشیاں پیارا پیارا آ گیا

جس دی رونق واسطے رب نے بنائیاں رونقاں
نوری دولہا آ گیا پیارے دا پیارا آ گیا

جن دی باراں ربیع الاول ہے ولادت آپ دی
صبح ازل چمکدا اختر ستارا آ گیا

آمنہ دی گود وچ سوہنا جدوں مسکرا پیا
برکتاں لے کے حلیمہ دی اکھ دا تارا آ گیا

ڈگ پئے بت بچھ گئی اگ محلاں دے کنٹرے گر پئے
کفر لئی اسلام دا غیبی لکارا آ گیا

بے کسماں دے بھاگ جاگے نا اُمیداں نوں اُمید
گنہگاراں تے یتیمیاں دا سہارا آ گیا

طالب و مطلوب دا جد میل ہويا، عرش تے
رب نے وی ایہو کہیا اُمت دا چارہ آ گیا

صدقہ مرشد حشر دے دن فرمائیں گے آقا ضرور
اُمید لے کے کیہ کہواں، سالک و چارا آ گیا



ﷺ

جے کر فیر مدینے جاواں
اپنے سُنے بخت جگاواں

کدی جے ہوون کرم سولے
فیر میں دید ماہی دی پاواں

کدی ملے جے فیر بیٹھن نوں
سبز گنبد دا اوہ پرچھاواں

جاواں آواں مُڑ مُڑ جاواں
آؤندے جاندے عمر لنگھاواں

شرمندہ میں ہو ہو روواں
رو رو دل دی اگ بجھاواں

آقا سوہنیا سُن لے ہاڑے
تیتھوں کیویں جرم چھپاواں

رات دے ایہ کار ہے میری
اپنے اندر مر مر جاواں

تیرے باجھ نہ جھلدا کوئی
کس نوں اپنے لیکھ لکھاواں

سالک اکو نظر کرم دی
لکھاں عیاں ملن پناہواں



ﷺ

ہوائے مدینے چوں آویں تے جائیں
توں سوہنے نوں میرے وی دکھڑے سنائیں

عرضاں نیں لکھاں میں کیہ کیہ سناواں
شرمسار میں ہاں تے لکھاں خطائیں

یادواں نے آون ستاون رواون
میرا وس نہیں چلدا میں لا تھکيا وائیں

خطا کاراں اُتے نظر اک کرم دی
جے ہو جاون آقا سولیاں نگائیں

مری اکھ چوں سکدے نہیں غم دے اتھرو
بھانبر جدائیاں دے سینے ج ہائیں

گنہگاراں دا اکو توں آسرا ایں
توں لج پال سبھ دا دو جگ دا سائیں

تیرے ولے سبھ دیاں آساں اُمیداں
تیرے باجھوں من دا نہ کوئی صداںیں

حشر وچ ہووے پردہ پوشی اے آقا
خدا را توں جرماں تے پردہ نہ چائیں

تصور چ لے کے توں روضے نوں سالک
دکھڑے سنائیں تے اتھرو دگائیں

☆☆☆☆☆

صلی اللہ علیہ وسلم

توں سوہنا تے سبھ توں سوہنا سوہنیاں دا سردار
سبھ توں وڈیاں شانناں والا تیرا اے دربار

تیرے سبز گبند دیاں لاناں چار پھیرے گھمن
چار پھیرے نور تیرے دی پیندی اے چکار

تیرا سایہ بے سایاں تے سائے کردا پھردا
تیری رحمت اوگنہار دے سینے دیندی ٹھار

تیرے کرم دے بدل سوہنے چار پھیرے وسدے
ہر پاسے توں خوشبوواں دی آؤندی اے مہکار

کالیاں زلفاں دے پیچاں وچ اوگنہار نیں لکے
بے تھاواں نوں دین پناہواں ایہ زلفاں خمدار

اللہ پاک فرشتے بھیجن روز درود سلاماں
ایڈا اُچا رتبہ تیرا توں وڈی سرکار

دے قرآن گواہی تیری توں محبوب ربانا
رات معراج دی دولہا سیں توں سر نوری دستار

سبھ دکھیاں دے درد وٹڈائے کیتی توں غمخواری
تیرے باجھوں کسے نہ کیتا اُمت دے نال پیار

تیرے باجھوں کون پہنچائے آس منداں دیاں آساں
تیتھوں وڈا دردی کوئی نہ توں سبھ دا غمخوار

روز محشر دے شرماں رکھ لہیں شرماں والیا سائیاں
تیرے نظر کرم دے بھکھے سالک جیہے بدکار



ﷺ

ہمدے پھل گلاب دا چہرہ
دکھیاں لئی جناب دا چہرہ

اللہ دے محبوب نوں تک کے
شرمندہ ماہتاب دا چہرہ

سبحان اللہ سبحان اللہ
شرح محمد ﷺ باب دا چہرہ

محمد ابن العربی آکھے
محمد ﷺ ذات کتاب دا چہرہ

بسم اللہ بسم اللہ آکھاں
صبح ازل جناب دا چہرہ

ہوش منداں دے ہوش گواچے
چکيا جدوں نقاب دا چہرہ

لکھاں سوہنیاں دل ہارے نیں
ویکھیا جدوں شباب دا چہرہ

نعت سوہنے دی لکھنا سالک
ہر شاعر دی خواب دا چہرہ



ﷺ

کھ نبی دا ڈلھکاں مارے
شرماندے نیں چن تے تارے

عرش ہے اُس دے پیراں تھلے
جتھے رب نماز گزارے

اوہ سوہنا دو جگ دا والی
بوریا بستر جیہدے چبارے

جدھروں وی لنگھ جاندا سوہنا
سوہنیاں سوہنیاں دل نیں ہارے

کلیاں دے وچ خوش پئے وسدے
جس نوں سوہنیاں تیرے سہارے

تیریاں صفتاں مکیاں نہیں نیں
لکھاں دوتیاں مارے چارے

ہندیاں گکیاں دون سوائیاں
جنے ویریاں چارے مارے

مٹھیاں مٹھیاں گلاں کروا
بن دے جاہن حدیث سپارے

سالک دا جد جی نہیں لگدا
لکھ لکھ نعتاں حرف سنوارے

☆☆☆☆☆

ﷺ

تیرے ورگا کوئی نہیں آیا
نور سراپا ہے نہیں سایا

اک اک صفت نرالی تیری
ہر موسم وچ روپ سوایا

تیری شان دروداں لائق
نبیاں نے دی ورد پکایا

والی دو جگ بوریا بستر
کیڈا اچا محل بنایا

رات معراج دی حوراں سائل
سوہنا حبشی ہتھ پھڑایا

تیری الفت ادب عقیدت
بجھدے دلاں نوں آ گرمایا

او گنہاراں دے لئی رحمت
تینوں رب دی ذات بنایا

اوتھے اتھے نال تیرے نہیں
جس نوں قرب دا رنگ چڑھایا

اج دی محفل رم جھم رم جھم
نوری کن من آ برسایا

رُت بہار دی سالک سچنا!
کملی والا یاد ہے آیا

☆☆☆☆☆

صلی اللہ علیہ وسلم

سوہنیا یاد ستائیاں میں وی
رحمت آساں لائیاں میں وی

اکھیاں سڑدیاں میں وی ٹھاراں
جھاتیاں مڑ جد پائیاں میں وی

نوری مکنہ ویکھن دے لئی
اکھیاں تاڑے لائیاں میں وی

وچ حضوری جیہڑیاں گزریاں
گھڑیاں نہیں بھلائیاں میں وی

لکھاں تیری دید دے بھکھے
آقا دید تہائیاں میں وی

تیرا درد نشانی رکھ کے
کیتیاں لیکھ سائیاں میں وی

عملاں دلوں خالی پلا
رو رو دیاں دُہائیاں میں وی

سدھراں دے پھل سک نہ جاو
ہنجو تریلاں پائیاں میں وی

آکھن جوگی تے ہو جاواں
سوہنے فیر بلائیاں میں وی

لکھ ہزار درود سلاماں
ڈالیاں روز پچائیاں میں وی

سالک مک جائے دل دی حسرت
دل دیاں چٹھیاں پائیاں میں وی



بارگاہ میراں

میراں باغ فقر دا اعلیٰ تے پیارا نبی سرور دا
حسی نبی سید سوہنا تے ولیاں دا سرکردا

اس دیاں شاناں آپ ودھائیاں اللہ پاک حضوروں
ظاہر وچ بغداد دے ہويا باطن نبی دے نوروں

ظاہر باطن علم لدنی اس دے ہتھ خزانے
جس نوں چاہوے بخشے میراں وٹھے کل زمانے

لکھاں شاناں لکھ لکھ ٹر گئے مکا ذکر نہ میراں
حیدری حسن حسینی شاناں شاہیاں دے فقیراں

غوث الاعظم پیر پیراں دا اسیں ہاں اُس دے بروے
غوث قطب ابدال ولی نہیں اوہدا پانی بھردے

بڈھی نال یقین سی بیٹھی باراں سال گزارے
یارھویں والا آ کے میرا ڈبا بیڑا تارے

ایڈیاں شانناں والا میراں چوروں قطب بناوے
جیکر نظر کرم دی تگے مُردے جھ جگاوے

ایڈی طاقت بخشی میراں بچپن وچ ایمانی
چالھی ڈاکو توبہ کر گئے سچا قول یقینی

سائل رو کرے نہ میراں دیوے ودھ اوقاتوں
ہاشمی جد نہ لاجاں لاوے ہودن بھائی فاقوں

سالک صفت نہ کر سکاں میں میراں شان اچیری
اوہ در پاک پاکاں دا میں ہاں گندی خاک دی ڈھیری



برسی

اج برسی مہرن یار دی اے
سوہنے مٹھڑے منٹھار دی اے

ایہ یاداں میرا سرمایہ
تیزی پئی وقت گزار دی اے

کلی بیٹھی پئی کرلاواں
وچھڑی کونج اک ڈار دی اے

سینے چھیک ہجر نے کیتے
بھکھ اوہدے دیدار دی اے

گل غماں تے زخماں دی نہیں
گل ساری غمنخوار دی اے

لوں لوں دے وچ ماہی وسدا
دم دم ناں چتار دی اے

میرے آل دوالے پکی
کندھ اک اُسدے پیار دی اے

ٹاویں ماہی لا چھڈی اے
زندگی جو دن چار دی اے

اُس دے باجھوں کھیڈ ساہواں دی
آر دی اے نہ پار دی اے

کسے میدان نہ ہر دی سالک
باندی جو سرکار دی اے



بارگاہِ مہرجہاں

صفتاں میں کیہ دساں مہرن یار دیاں
چار پھیرے دھماں نہیں سرکار دیاں

ٹھنڈی ٹھنڈی وا وگے جد شاماں نوں
اُس دیاں یاداں میرا سینہ ٹھار دیاں

اُس دی یاد عبادت جان کے کرنی آں
اُس دا ذکر میں ساہواں وچ پکار دی آں

میں اُس دی اوہ میرا یار ہے ازلاں توں
لکھیاں روز ازل دے قول قرار دیاں

انبراں دے بھتارے اُس دے بردے نہیں
جن سورج دیاں لاٹاں ہین ادھار دیاں

میرے تے اُس لیکھ وی ہتھیں لکھے نیں
میں تقدیر نوں کاہنوں واجاں ماروی آں

میں مہرن وی گولی اوہ لُج پال میرا
اُس دے ہتھ وچ شرماں اوگنہار دیاں

میرے جہے بدکار نوں گل نال لا لینا
ایہ وڈیاں نیں میری سرکار دیاں

جیہناں رانجھن ماہی دے ول کنڈ کیتی
اوہ رہیاں نہ آر دیاں نہ پار دیاں

اوہ سوہنا نہ دیکھنے کدی وی عملاں نوں
اُس دیاں دیکھیاں نیں دل وچ پیار دیاں

سالک ورگے لکھاں اُس دے بر دے نیں
اُس دے ہتھ وچ ناڑاں نیں سنسار دیاں



منقبت

میرے تے لہچال نہیں مہرن
میرا ہجر وصال نہیں مہرن

میری جان جگر وی اوہ نہیں
اتھرواں دا حال نہیں مہرن

اُس دے در تے سجدہ ریزی
متھے دا اوہ لعل نہیں مہرن

گمراہواں دے رہبر کامل
ہادی بے مثال نہیں مہرن

حسن سراپا عشق مکمل
رف فقر کمال نہیں مہرن

ورشہ عجز حضوری ناطہ
عاقل دے لئی سوال نہیں مہرن

مہرالدین نہیں اسم مسمیٰ
مہرالدین کمال نہیں مہرن

چہرہ انور دید دے قابل
دلبر حسن جمال نہیں مہرن

مہرن یار دی برسی اے اج
یاداں پائی دھال نہیں مہرن

یار جدائیاں دے گیا سانوں
ہو گئے کئے سال نہیں مہرن

اک پل وی۔ اوہ دور نہیں میتھوں
ساہ ساہ میرے نال نہیں مہرن

سالک مہرن اک مک ہو گئے
فرق نہ رکھیا وال نہیں مہرن



کافیاں



واہ وا موج فقیراں دی
اندر ہیرے لال چھپائے
گودڑی پا کے لیراں دی

دھونی یار دھنائی پھردا
سبھ نوں رستے لائی پھردا
ٹاویں ٹاویں کول بٹھاوے
جانے جوت لکیراں دی

ساون سکے ہاڑ ہرے نہ
بیڑی باجھ ملّاح ترے نہ
ندیوں پار رانجھن دا ڈیرا
شاہی ملک ملیراں دی

ڈھونڈیاں باجھ نہ ماہی ملدا
محرم راز جو ہووے دل دا
راہواں دے وچ رلنا پیندا
کلی ساڑ سریراں دی

سالک رانجھن دل وچ ڈیرا
میں رانجھن دی رانجھن میرا
ازلاں دی ایہ پریت پرانی
لکھی قلم اخیراں دی
واہ وا موج فقیراں دی

☆☆☆☆☆



میرا ماہی میرا ڈھول
میں اُس دے اوہ میرے کول

آپے گجڑے تیر چلاوے
آپے بن بن عاشق آوے
آپے اپنی کردا ٹول

بے صورت وچ صورت آ کے
جوگی والا بھیس وٹا کے
بیٹھا ہیر دے کول

اُحد احمد میم مھلیکا
سجناں دے نال کاہدا لیکھا
اپنے دل دی کنڈی کھول

آپے ناز نہورے نخرے
آپے ہو ہو بہندا وکھرے
آپے پھر دا ڈاواں ڈول

جیہڑا عاشق بن کے آوے
اُس نوں اپنی جھلک وکھاوے
لکھاں دے وچ دیندا رول

ہر صورت وچ دلبر وسدا
آپے رووے آپے ہسدا
سبھ توں وکھرا سبھ دے کول

سالک مہرن ماہی سوہنا
دے کے ٹر گیا عمر دا رونا
اوہ جانی تے میں انبھول





میرا سوہنا مہرن یار وے
 میں اُس دی اوہ میرا ماہی
 باقی کوڑ پیار وے
 میرا سوہنا مہرن یار وے

مہرن میں دل پھیرا پایا
 میں کوجھی نوں گل نال لایا
 اوہ لاجی غم خوار وے
 میرا سوہنا مہرن یار وے

مہرن میرا سوہنا ماہی
 میری اُجڑی جھوک وسائی
 میں اُس وے بلہار وے
 میرا سوہنا مہرن یار وے

میں تے کرم نوازیں مہرن
 بگڑیاں میریاں ساریاں مہرن
 بیڑا کیتا پار وے
 میرا سوہنا مہرن یار وے

کن فیکون اگے دیاں لکیاں
 دنیا داری جھوٹھیاں ٹھگیاں
 جھوٹھا ایہ بازار وے
 میرا سوہنا مہرن یار وے

سالک پریم پیالہ پیتا
 ازلی قول قرار سی کیتا
 بھل گیا گھر بار وے
 میرا سوہنا مہرن یار وے

☆☆☆☆☆



آپے داتا آپ سواہی
آپے دو جگ دا ہے والی

آپے موسیٰ ؑ تے فرعون
اُس نوں آکھن والا کون
آپے سن دا آپ مقالی
آپے داتا آپ سواہی

مٹی دا اک بت بنا کے
اُس دے اندر وڑیا آپے
ساری پرچا آپ سنبھالی
آپے داتا آپ سواہی

ازلاں دا اک نور ستارا
 اول آخر اُس دا کارا
 ظاہر بندہ دے دکھالی
 آپے داتا آپ سوالی

ہندو مسلم سکھ عیسائی
 ساری خلقت کس بنائی
 رام رحیم تے بندہ عالی
 آپے داتا آپ سوالی

راہنجن جوگی بن کے آیا
 جھنگ سیالیں ڈیرا لایا
 کھیڑے لے گئے ہیر سیالی
 آپے داتا آپ سوالی

صورت اک ہزاراں معنے
 آپ بنائے عاقل دانے
 ظالم جاہل سوچ خیالی
 آپے داتا آپ سواہی

ایہ ازلاں دی رام کہانی
 ساڈی پانی وچ مدھانی
 آپ وصالی آپ جمالی
 آپے داتا آپ سواہی

سالک مہرن روپ وٹایا
 بن کے جانی ویٹھے آیا
 باغ فقر دا جیہڑا مالی
 آپے داتا آپ سواہی

☆☆☆☆☆



حرص دا کیرا ماریں گاتے گل بنے گی
ہوس نوں مار مکاویں گاتے گل بنے گی

اُس دی ذات دے باجھوں ہر شے فانی اے
باقی ہونا ہاریں گاتے گل بنے گی

رولے دے وج پے کے رولا بن چلیوں
کلیاں رونق لاویں گاتے گل بنے گی

فقہ حدیث قرآن سمجھے ایہ حقّی نہیں
عشق نوں ویہڑے واڑیں گاتے گل بنے گی

جھوٹھو جھوٹھ چتالی واعظ نصیحتاں نہیں
اپنا آپ گواویں گاتے گل بنے گی

صوم صلاتاں نفل نمازاں اُرے اُرے
یار دا ورد پکاویں گاتے گل بنے گی

توں وی کھا لے تیر کسے دیاں نظراں دا
خون جگر دا ساڑیں گاتے گل بنے گی

ماں پو بھین بھراواں کوڑ کہانی ایں
سنگوں ساکوں جاویں گا، تے گل بنے گی

اندر ڈاکو بیٹھا تینوں خبر نہیں
اندر جھاتی پاویں گاتے گل بنے گی

تیرا تے ایہ ساہ وی تیرا لگدا نہیں
شاہ دے نال بناویں گاتے گل بنے گی

اُس دے باجھوں کوئی سنگی ساتھی نہیں
سوچ وچار وچاریں گاتے گل بنے گی

نحن اقرب توں وی نیڑے وسدا اے
اپنا آپ پچھانیں گاتے گل بنے گی

تیرے باجھوں دوجا اتھے کوئی نہیں
دوئی دا فرق مٹاویں گاتے گل بنے گی

احد احمد مہرن سالک اکو نہیں
اکو کر کے جانیں گاتے گل بنے گی





تیرے سامنے میرا حال
میرا سمجھ کچھ تیرے نال

تیرا نال میرا سرناواں
بُت میرا تیرا پرچھاواں
ساہ ساہ دے وچ تیرا خیال

میرا اول آخر توں ایں
میرا ظاہر باطن توں ایں
باقی سمجھ کچھ وہم خیال

ورد وظیفے صوم صلاتاں
تیرے باجھوں خالی باتاں
اندر باہر تیری بھال

اتھے اوتھے دونیں جہانی
تیرا سوہنیا کوئی نہیں ثانی
صورت تیری نور جمال

من موہنی اے صورت تیری
وج خیالاں مورت تیری
پائے گل وج عشق جنجال

باجھوں عشق عمل سبھ کوڑ اے
سونا چاندی مٹی دھوڑ اے
ماہی باجھوں سفر محال

ایہ شہر تے دنیا داری
ساری حرص طمع دی ماری
پئے کھوہوے سر دے وال

جمن مرن توں پاک اے جیہڑا
اُس دا ساڈا کاہدا جھیردا
بے مثلے دی کیہ مثال

اسیں تے پیار دے راہی سچا!
ساڈا سبھ کجھ ماہی سچا!
پیار دی ازلوں اُلٹی چال

پاکاں کولوں رازا نہیں پائے
بندیاں بندے راہے لائے
نظر بندے دی عرش پتال

ساک ہوون بخت سولے
جیکر ماہی نال لے چلے
ملن پینڈے ہجر وصال

☆☆☆☆☆



توں مٹھڑا منٹھار وے ڈھولا
دل دا چین قرار وے ڈھولا

جد دا رُس کے ٹر گیا ماہی
بھل گئی ہار شنگھار وے ڈھولا

میں انجان ساں بھل گئی ماہی
معاف کریں اک وار وے ڈھولا

سارے جتن میں کر کر تھکی
من دا نہیں دلدار وے ڈھولا

آکھے لگ غیراں وے اُجڑی
تینوں منوں وسار وے ڈھولا

میں تے بھل گئی توں نہ بھلیں
کیجے قول قرار وے ڈھولا

تیرے دز وے باجھوں ماہی
کوئی نہیں میری ٹھاہر وے ڈھولا

ترس کریں وے مہراں والیا
ڈبدی نوں لے تار وے ڈھولا

ڈولی کبھڑا چکے سالک
واقف نہیں کبار وے ڈھولا





عشق دے ہتھ مہاراں بچنا!
 ہن تاں جویں نچاوے نچنا!
 اکھیاں وچ اڈیک ماہی دی
 کالیاں زلفاں موڈھے کملی
 میرا ماہی روپ سلکھنا
 پیار ماہی دیاں عجب سوغاتاں
 ہوکے ہاواں ہنجو یاداں
 میرا تے کوئی زور نہ ماہی
 تیرے مان تے آساں بدھیاں
 نہ میں ہیر نہ کسی سوہنی
 میریاں ہتھ مہرن دے لاجاں
 ملدا عجب سکون دے نوں
 مہرن مہرن جد میں کوکاں

سوچاں مینوں ہور نہ کوئی
 کیہ ماہی نوں مونہہ جا دساں
 میرا کوٹھا کندھ ریت دی
 ہڑھ ڈاہڈا اے ایس نہیں ڈکنا
 ڈر کے طعنے معیاں کولوں
 کیتی کتری کھوہ کیوں پاواں
 وقت نزع جد آوے سالک
 ہووے سر وچ تیرے قدماں





اندر بیٹھا ہے دلدار
جس دی خاطر ہار شگھار

ڈھولن یار وٹائیاں شکلاں
اڈ پڈ جاون ماڑیاں عقللاں
بھل بھلیکھا ہے ایہ دنیا
سچی ہے میری سرکار

طعنے مہنے جگ دے سہ لے
جو کہنا ای یار نوں کہہ لے
ویلا فیر ایہ ہتھ نہیں آؤنا
کم آؤنا اے چت چتار

نہیں یار دے دھاری کجلے
تیر چلاون دلاں تے گھروے
ہوشاں فیر نہ رہندیاں کوئی
بھل جاندی اے سوچ وچار

میرا ڈھولن رنگ رنگیلا
مٹھڑا جسدا بول رسیلا
مٹھا مٹھا درد جیہدے وچ
ہاسا پھل کھڑے گلزار

کھڑا تک تک نہیں رجدے
تکدیاں تکدیاں مول نہ تھکدے
سیک وچھوڑا دے کے ٹردا
جد میں طلب کراں دیدار

ماہی باجھ قرار نہ آوے
دے سوغاتیں اتھرو جاوے
جندڑی دے کے یار خریدے
عشق دا ہوندا عجب پیار

سالک یار وچھوڑا ڈاڈھا
روز بروز کریندا واڈھا
چمین قرار نہ دل نوں آوے
روون اکھیاں زارو زار
اندر بیٹھا ہے دلدار
جس دی خاطر ہار سنگھار

☆☆☆☆☆



میں تیرا مشکور او سائیاں
 عرض کیتی منظور او سائیاں
 تیری ذات غفور او سائیاں
 اوگنہار ضرور او سائیاں
 رحمت توں نہیں دور او سائیاں
 حاضر توں حضور او سائیاں
 توں ایں نور و نور او سائیاں
 شان بیت المعمور او سائیاں
 بشر ہویوں مشہور او سائیاں
 تیرا سبھ ظہور او سائیاں
 ایمان میرے دا نور او سائیاں

دل دا چین سرور او سائیاں
 بیڑی دا توں پور او سائیاں
 میں تیرا منشور او سائیاں
 میرا ایہ قصور او سائیاں
 مینوں نہیں شعور او سائیاں
 محض اک مجبور او سائیاں
 در تیرا اک طور او سائیاں
 ہجر تیرے وچ چور او سائیاں
 سالک ہر ساہ تیریاں یاداں
 عشق دا ایہ دستور او سائیاں





توں میرا اعتبار او سچا!
 دل دا چین قرار او سچا!
 تیرے دم نال زندگی میری
 میری توں بہار او سچا!
 میرے ساء وی، تیرے نوکر
 توں میرا دلدار او سچا!
 میری اکھ دے اتھرو کھندے
 توں میرا غمخوار او سچا!
 تیتھوں غافل جد وی ہوواں
 کردا نفس خوار او سچا!
 اکھ میری جد پھر کن لگدی
 پیندے فکر ہزار او سچا!

شالا خیر ہووے سبناں دی
 دعائیں اک ہتھیار او سبنا!
 تیریاں یاداں اتھرو بن کے
 روون زارو زار او سبنا!
 میریاں سُنیاں کیتیاں مَیاں
 لکھ توں ودھ شمار او سبنا!
 سالک رونا تیرے ! گے
 دم دم میری کار او سبنا!





رکھ سوہنے ول دھیان
 توں رکھ سوہنے ول دھیان
 ہر شے اُس دے ناویں لاویں
 ہر دم اُس دا ورد پکڑویں
 ایہو اصل ایمان
 توں رکھ سوہنے ول دھیان

اوہدیاں شانناں کھڑا جانے
 رہندا جیہڑا لامکانے
 ہر وج اُس دی جان
 توں رکھ سوہنے ول دھیان

اوہدیاں کیتیاں ول نہ جاویں
 جیویں ہووے یار نوں بھاویں

ایہ گل جان پچھان
توں رکھ سوہنے ول دھیان

طعنے مہنے جگ دے سہ لے
جو کہنا ای یار نوں کہہ لے
ایہ دنیا انجان
توں رکھ سوہنے ول دھیان

زندگی تیری ہے اک دم دی
ماہی باجھ کسے نہ کم دی
توں دو دن دا مہمان
توں رکھ سوہنے ول دھیان

سالک جی نہ رولا پاویں
اپنی ایتھوں جان چھڈاویں
چپ کر بند زبان
توں رکھ سوہنے ول دھیان
توں رکھ سوہنے ول دھیان
☆☆☆☆☆



ایہ دنیا اک وہم خیال
دل نہ لاویں اسدے نال

وچوں کوڑی اُتوں مٹھی
جھوٹے ہاسے ہنسی ڈھٹی
اج تیرے کل دوجے نال
ایہ دنیا اک وہم خیال

یار بتائیاں جیہڑیاں باتاں
اُسدے دے ذکر گزاریں راتاں
ورنہ تیرا بچن محال
ایہ دنیا اک وہم خیال

لیکھا یار دے نال کریں نہ
اُس دا ہو کے فیر ڈریں نہ
چک لے سرتے سب جنجال
ایہ دنیا اک وہم خیال

جھڑے وعدیوں پھر جاندے نہیں
اپنیاں دے وچ گھر جاندے نہیں
نکلن ہندا فیر محال
ایہ دنیا اک وہم خیال

دے دے یار نوں اپنیاں سوچاں
ساتھ نہیں جانا تیرے لوکاں
کلیاں ہونا وچ پتال
ایہ دنیا اک وہم خیال

وعدیوں سچا! مَول نہ بھلیں
 جنگل بیلے مَول نہ رلیں
 اپنے اندر کر لیں بھال
 ایہ دنیا اک وہم خیال

سالک سوہنے دے ہتھ لاجاں
 اوکھے سوکھے ماراں واجاں
 اوہ میرے میں اوہدے نال
 ایہ دنیا اک وہم خیال





میں ساری دنیا بھل سکنا واں
 میتھوں یار بھلایا نہیں جاندا
 سر رکھ کے اُس دے قدماں وچ
 فر سر نوں اٹھایا نہیں جاندا

زاہد توں روک نہ سجدے توں
 ایہہ سجدہ نہیں شکرانہ اے
 تینوں خبر نہیں اے عبادت دی
 عاشق نوں پڑھایا نہیں جاندا

توں جان دا عشق دی رمز نہیں
 در یار دا کعبہ ہندا اے

کیہ کرنا ہور عبادتاں نوں
اکو سبق پکایا نہیں جاندا

سالک نوں روز اڈیکاں نہیں
کد ماہی پھیرا پاوے گا
اوہدی یاد چ اکھیاں روندیاں نہیں
ایویں نیر وگایا نہیں جاندا





سوہنیا مینوں حال توں دے دے
 اپنے ورگی چال توں دے دے
 تیرے باجھوں کجھ نہ دے
 ایسا کوئی کمال توں دے دے
 میرے وچوں توں پیا دسیں
 ایہو جیہا جمال توں دے دے
 تیرے ناں نال مینوں جانن
 ایہو جیہی مثال توں دے دے
 اتھرو میرے کدی نہ سکھن
 غم دا اک رومال توں دے دے
 کھوہ کے عقل تے عشق پھڑا دے
 بھالنے والی بھال توں دے دے
 میں میں مکے توں توں دے
 سالک نوں ایہ لال توں دے دے





جویں رکھے اوویں رہنا
 تیریاں جھڑکاں میرا کہنا
 ہتھ نکیل خصم دے ہوندى
 جویں نچاوے نچنا پینا
 جیہڑی کسے دی سکی نہیں اے
 اُس دنیا توں اساں کیہ لینا
 میری دنیا یاد ماہی دی
 اُسدے اندر اٹھنا بہنا
 کسے دی پنڈ کسے نہیں چکنی
 بھار ہمیشہ سرتے سہنا
 بازی عجب فقر دی ہوندى
 او سے جتنا جس نے ڈھہنا
 موتوں پہلے مویا سالک
 پورا ہویا مرشد کہنا





کو جھی کملی مونہہ کالی اصلوں میں نکاری آں
تینوں تے نہ چنا! کدی منوں میں وساری آں

لوکی مینوں تک کے تے مونہہ پھیر لیندے نیں
مینوں اپنے عیاں والے غم گھیر لیندے نیں
کیمڑے پاسے جاواں تیرے باجھوں بے سہاری آں
تینوں تے نہ چنا! کدی منوں میں وساری آں

میریاں نصیاں ولے چنا جھاتی مار لے
تیرے ہتھ لاجاں بھاویں ڈوب بھاویں تار لے
تیری میں کھاواں بھاویں چارے پاسے ہاری آں
تینوں تے نہ چنا! کدی منوں میں وساری آں

کج لویں عیب میرے چنگی مندی تیری آں
 مینوں کوئی ہور نہیں تینوں چنگیاں ہتھیریاں
 واسطہ میں پاواں ماہی جرماں دی ماری آں
 تینوں تے نہ چتا! کدی منوں میں وساری آں

کے جج جج دی نہیں چارے مٹھاں کھیہ واں
 رکھ لویں شرماں ماہی ہتھیں پلو دے ہاں
 کہواں میں وی سالک اج ماہی دی سنواری آں
 تینوں تے نہ چتا! کدی منوں میں وساری آں





میں جھوٹی توں سچا ماہی
تیرا قول اے پکا ماہی

میں میں کردیاں عمر گزاری
توں دا حرف نہ پکا ماہی

کفر اندر دا مریا ناہیں
ایویں بھن لیا متا ماہی

چمخا میرا ٹٹ بھج گیا اے
کیویں پھیراں ہمتا ماہی

بن بیڑوں نہ ماہل کھڑوندی
گھوکر دے نہ چکا ماہی

ٹکلا ڈنگا رہندا ہر دم
کتے سوت نہ کچا ماہی

مئے ہل گئے نیں لانبھوں
کڈیاں ڈنگا متھا ماہی

کیویں سوہریاں داغ بناواں
گل وچ ریت دا رسا ماہی

دلیں بیگانے جانا پینا
جتنے کوئی نہ سکا ماہی

چٹی چادر داغ نہ لگے
دیندی ماں اے متا ماہی

کھیڑے مڈھ قدیمی ویری
رانجھن باجھ نہ سکا ماہی

رب رسول تے مُرشد میرا
قبلہ کعبہ مکہ ماہی

جگ تے ساؤن بہاراں لائیاں
میرا ساون سکا ماہی

نتاں ترلے ہاڑے پاواں
ہو نہ ایڈا رُکھا ماہی

ہجر ستائیاں ساون لائے
لاویں دید دا ڈکا ماہی

ازلاں دی اے ہیرا رانجھن دی
کھیڑیاں سو سو جُٹا ماہی

نیں ڈونگھی تے ترن نہ جاناں
لا کوئی توں ونج چپا ماہی

ایہ مینوں منظور اے ہتھیں
دے دوزخ وچ دھکا ماہی

توں صاحب میں گولی تیری
تیرا کوٹھا اُچا ماہی

کس گنتی وچ آوے سالک
راہواں دا ہان، وٹا ماہی

☆☆☆☆☆



دُکھ میرے تاں پھول فی مائے
کیہ کیہ دساں کھول فی مائے
دُکھ میرے تاں پھول فی مائے

راہنمہن جوگی بن کے آیا
انحد واجا آن وجایا
تخت ہزارے دا اوہ واسی
میر سیالاں کول فی مائے

موڈھے کل منزل پائی
ہتھ کھوٹھی یسین پھڑائی
کالی زلف کنڈل والی
مٹھوے اُس دے بول فی مائے

مٹی دا اک بُت بنایا
آپے آ وچ ڈیرا لایا
من روجی دی پھوک چا ماری
مٹی پٹی سی بول نی مائے

ایہ ازلاں دی پریم کہانی
راہنجن میرے دل دا جانی
اُسدے درز وچھوڑے میری
جندڑی دتی رول نی مائے

اُسدی صورت بھولی بھالی
کھ نورانی ویکھن والی
اکھیاں وچ مازاغ دا سرمہ
اوہ ہیرا انمول نی مائے

احد احمد اکو نور اے
 جگ وچ جس دا عین ظہور اے
 میم مروڑی میل کراوے
 جے کر لیئے ٹول فی مائے

جھوٹی دنیا کھیڈ رچائی
 پلے ہے نہیں پیسہ پائی
 صاحب نوں کیہ دساں جا کے
 جے لئی گٹھڑی پھول فی مائے

بھل کے نہیں سن اکھیاں لائیاں
 دے کے ٹر گیا درد جدائیاں
 موتو قبل موتو ہو کے
 سالک وسے کول فی مائے
 دکھ میرے نہ پھول فی مائے

☆☆☆☆☆



دھواں یار دھوائی بیٹھاں
رشتے سچ بھلائی بیٹھاں

اکو یاد بجن دی دل وچ
یاداں ہور مکائی بیٹھاں

اِس دا ذکر عبادت میری
ایہو ورد پکائی بیٹھاں

کن من پیار دی دل وچ دے
بوٹے پیار دے لائی بیٹھاں

یاداں اُس دیاں سینے لا کے
کعبہ وکھ بنائی بیٹھاں

دُکھ قنچے درد غماں دے
سینے دے نال لائی بیٹھاں

مینوں یار سوغاتاں گھلیاں
ہس کے جھولی پائی بیٹھاں

روگ دلاں دے دے نہیں
سالک نوں سمجھائی بیٹھاں





جھوٹ ہے میرے پلے ماہی
توں سچا ہر گلے ماہی

تیرے بول قرآن حدیثاں
میرے بول اولے ماہی

تیری ذات ہے قبلہ کعبہ
تیرے قدم مصلے ماہی

نبے کر معاف کرے تقصیراں
ہوون کرم سولے ماہی

چنگی مندی ہاں میں تیری
ہور نہ کوئی جھلے ماہی

تیری دید نوں اکھیاں ترس
اتھرو جان نہ ٹھلے ماہی

میری تھاں تھاں نندیا ہووے
تیری بلے بلے ماہی

پیار ترے دے سوہنیا بھنا!
کم نین ال بلے ماہی

عقلاں والے پچھے رہ گئے
بازی لے گئے جھلے ماہی

سارے واہ میں لا تھکی آں
لکھے لیکھ نہ ٹلے ماہی

گکھوں ہولے پانیوں پتے
اج ہاں اسیں ٹکے ماہی

ساڈے کولوں رُس گیا اے
دے گیا درد اوڑے ماہی

رُسیا توں بہاراں رُسیاں
نُجے گلی محلے ماہی

روز اڈیکاں لا لا رکھاں
کدی سنبھڑا گھلے ماہی

کبھڑی آس تے جیوے سالک
توں پردیس جا ملے ماہی

☆☆☆☆☆

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ

سَيِّدِنَا مُحَمَّدٍ

وَعَلَىٰ آلِهِ

وَعَلَىٰ أَهْلِ بَيْتِهِ

وَعَلَىٰ أَهْلِ كَلْبَتِهِ

وَعَلَىٰ أَهْلِ حَقِّهِ

(وَعَلَىٰ أَهْلِ حَقِّهِ)